



Qanuliurutikhat utiqtittaungittaanginni titiqqatit uumannga NCJ Inungnun Atiliurvingmin.

Tamna Inungnut Atiliurvik katiqihimajuq titiraqhimajunik huuq titiqqat utiqtitauvaktun maligaliqijjinun ukunungaluunniit inmiknik-maligaliqiniaqtun inuit ihuaqhaqtakhainnik. Ataani titiraqhimajun ihumagijjakhat qanuriliurutikhallu pingittaami titiqqat utiqtijaungittaanginni uumannga Inungnun Atiliurvianin. Una PDF ilaqaqtuqlu ataagut-titiraqhimajunik atadjutinik naqittaaqtatin uvani Apirhiuviup qaritaujakkuurutaani takujaami *Maliktakhat Apirhuivingmi uvani Nunavunmi Apirhuirviani*, titiqqat havangnikkullu hivulluurutit ikajuutigijaaqtatin. **Una titiraq uqautigijait atuqtauraanginnaqtun ihumagijajun hulaqutijaaqtun titiqqanik utiqtitaudjutainni kihimi pidjutihangittuq tamainnik pitquidjutinik tuniudjutinik Nunavunmi.** Ithivriurlugin Maliktakhat Apirhuivingmi ukuallu Havangnikkut Hivulluurutikhat Apirhuivingmi uvani www.nunavutcourts.ca

Una titiraq tunihijuuq kangiqidjutikhanik atuqtauraanginnaqtuni ihumagijajuni uvuuna pitquidjutini Maliktakhainni Apirhuivingmi uvani Nunavunmi Apirhuirviani pipkaidjutinarhimangittuqlu maligakkut uqaudjutinik. Una Inungnun Atiliurvik tunilimaittuq maligakkut uqaudjutinik ukunani havangnikkut pidjutainnik.

Tuninikkut Tukhirutimi Titiraq

Pijaami tunijaami titiqqanik apirhuqtauvighami, ihuaqtun tuninikkut akikhat akiliqtaujukhat maliklugu Maliktakhat ukuallu **maligagaqtun akikhat Apirhuivingmin.** Pipkaniani tuninikkut akinga naunajjariami, ilaujun iniqtiqtukhat uuminnga Tuninikkut Tukhirutimi Titiraqmik ilaliutijukhaq titiqqamun. Atiliurvik tunilimaittait titiqqati piqangittumik uuminnga Tuninikkut Tukhirutimik Titiraqmik tuningitkungnilu, tunihidjutit kinguvaqtinniaqtun.

Ihumagijjakhaq: Inirhimaviuk tujuqhugulu una **Tuninikkut Tukhirutimi ritiraq** ilaliutihimaplugu titiqqanun tunijakhanun?

Naunaitkuti Itquumajumik Angiqtauhimajumi Havagiami Maligaliqinirmun

Titiqqat taimaanginnaq tunijaujukhat uvani NCJ taapkunanga inmingnik-akiraqtuijunin maligaliqijjinilluunniit angiqtauhimajunin havagiami maligaliqinirmun malikhugu una *Maligakkut Havagutini Maligaaq* iliuraqtauhimajumi uvani **Maliktakhami 17**

Maligaliqijit ukuallu maligaliqinirmun ajuirhaqtun tunijun titiqqanik pitqujauhijajun iluarlutik **tunuani-titirami naunaitkutimi** ukuninga piutimngnik piutitik Naunaitkutait Nampait, Kikliqaqtun Upautinikkut Titiraq (RAC) Nampaa ukualluunniit naunaitkutait ukunani titiraqarutikkut maligaliqinirmun ajuirharutimngni malikhugu una **Havangnikkut Hivulluurutimi 45**

Ihumagijjakhaq: Pilutin una tunuani-titirami naunaitkutimi kingulliinni nutaanguqtiqtauhimajuq ilaqarluni Maligaliqinirmun katimaviani Nunavunmi Naunaitkutainni Nampaanik uumingaluunniit RAC

Pidjutinun upautidjutinilluunniit talvani titiraqhimajunik titiqqanik pijariaqangittuni, maligaliqiji upakhimajuq apirhuivingmi uvuuna RACkut pitqujauhijajun tunilutik aajjiliuqhimajumik RACmik malikhugu una **Havangnikkut Hivulluuruti 45**

Ihumagijjakhaq: Puiguqtailutin tujuriami Atiliurvingmun aajjiliuqhimajunik uumani RACmi (uumingaluunniit nutaanguqtiqhimajumik RACmik) tukhiliruvin pigiaqtittinikkut ublukhamik tujurhimaitkuvin titiqqanik ilaujumik uuminga atuqtumun tadjaa RAC nampaanik.

Titirautit Naunaitkutait ukuallu Titiqqani Qanurittukhat Ihumagijajun

Qanurinnia uumani **atianin pidjutajumi ilaujunilu** apirhiqtaujukmaik Nunavunmi Apirhuivingmi (NCJ) naunaijaqtauhimajuq Maliktakhani. Kihiani pipkaqtakupat Maliktakhanin, una Atiani Pidjutajumi Ilaujunilu maliktakhaa una **Maliktakhaq 15.** Aallanguqtirniit talvunga Atiani Pidjutajumi Ilaujunilu talvataup pipkaqtitajun angiqtauninginnin ukunanga Maliktakhanin uumanngaluunniit Pitquidjutaanin Apirhuivingmin

Ihumagijjakhaq: Puiguqtailutin pipkainikkut una Atiani Pidjutajumi Ilaujunilu titiqqani aajjikiiktukhaq tamainni titiqqani tunihimajarni apirhuqtauliqtumi kihiani pipkaqtitauningani Maliktakhani Apirhuivingmilluunniit.

Ihumagijjakhaq: Aallanguqtilirungni una Atiani Pidjutajumi Ilaujunilu malikhugu Maliktakhaq apirhuivingmilluunniit pitqujaunirmun, naunajjarnia uumani Maliktakhani Pitqujajumilluunniit aallanguqtirutimik uvani hivulliqpaami qaritaujakkut-titiqqidjutmi Titiraliqijimun uumani aallanguqtiqhimajumi atiani pidjutimi ilaujunilu qilamuiqtinniaqtaa ithivriurniq titirarni hivuagun tuniutitinnani Atiliurvingmin.

Ihumagijjakhaq: Tuniliruvin atuni-atauhirmun-uuktuutimik uumingaluunniit maligakkut pigiaqtidjutimik aallanguqtirutiujuuq qanurinnii ilaujuni, puiguqtailutin ilaliutilugin naunaitkutit uvani atiani pidjutajumi ilaujuni aallanguqtirunirmun naunairnikkut ilaujun qanurinniani tadjau pidjutaani (imaa, Uuktuqtumi/Kiujumi Ilaujumi uvani Pigiarutimi; Kiujimi/Pigiaqtittijumi Ilaujumi Pigiarutimun)

Titiqqat apirhuivingmi ilaqaqtukhat pitqujauhijajunik naunaitkutinik pijumajajun uvani **Maliktakhami 732** ilaujullu apirhiuviup titiqqani nampaa tunihimajuq apirhuliqtamun, ublunga titiqqaup, atialu ilaujun tuniliqtuq titiqqamik.

Ihumagijjakhaq: Pipkailutin taamna apirhuivingmi tunidutikkut naampaa titirami tunilitutin ilaliuhimajuq talvani qulaani naunaitkutaani titiqqaup.

Ihumagijjakhaq: Puiguqtailutin malruiqtuqlugu naunaijadjavan taamna apirhuivingmun tuniutinikkut nampaa atuqtat taamnaujuq tunijauhijajuuq apirhuivingmiittun taapkuat tuniliqtatin titiqqat – taimaalluarlu havagutiliruvin uumannga kingullirmin havagutimin.

Ihumagijjakhaq: Puiguqtailutin malruiqtuqlugu naunaijadjavan ilaliutiliqat ihuaqtuq atiani pidjutajumi ilaujunilu, atia titiqqaup, ublua titiqqaup atialu tunihijum ilaujuni tamainni titiqqani.

Humi Havagutigijakhaq

Ukuat **Maliktakhat Apirhuivingmin** Nunavunmi tukiqaqtuq "humi havagutigijakhaq" uvani **Maliktakhami 1** taimaatun ittuq humi havagutigijaujukhaq **Nunavunmi**. Una tukiqaqtuq qujaginnaq ilaujuq apirhuivingmi tunijukhaq humilu havagutigijakhami Nunaptingni. Tamaita tukhiutin Nunavunmi iliuraqhimajukhat humi havagutigijakhaq maliklugu **Maliktakhaq 15**.

Ihumagijakhaq: Ilihimalutin ilaliutihimajutin humi havagutigijakhamik Nunavunmi maliklugin Maliktakhat.

Atiliurutit

Titiqqat tunihimajun Nunavunmi pitqujaujun atiliuqtaulitik maliklugu una **Maliktakhami 15**. Nunavunmi Apiqhuivik pijuittuq qaritaujakkut atiliurhimajun (imaatun, titiraq qaritaujakkut atiliurhimajuq atuqhuni pidjutaanik uumani PDF-kut pinahuarutimi, aallanilu).

Ihumagijakhaq: Titirarlutin atiliudjavatin titiqqatin tujuqtinnagin atiliurvingmun – aturungni qaritaujakkuuqtukkut atiliuruti qaritaujami titiqqanun pinahuaruti, titiqqat utiqtitauiaqtuq ilingnun.

Tautuktakhat Atiliurutit

Talvani titiqqat tunihimajun Apirhuivingmun pijukhat kamisinamin uumangaluunniit itquumajunik naunaiqtirijimin pipkailuni tautuklunilu atiliurutaat titiraqmi, Kaminisa Itquumajunik Naunaiqtirijiluunniit atiliuqtakhaa titiraq ukuallu qujaginnaq pijukhajun qunngiaqtakhat naunaijaqtajukhat atiliuqtaulitiklu. Maliktakhat pitquijun aita inuup tautuktuq atiliurutaani titiraqtajukhaq ataani atiliurutimingnin malikhugu una **Maliktakhaq 368**.

Ihumagijakhaq: Pipkalutin tamaita titiqqat pijukhaq pitqujauhimajukkut imaaluunniit itquumajunik naunaiqtirijimin atiliqtajuuq ilaujuqlu pipkainikkut taapkuat tamaita qunngiaqtakhat katuudjutiqaqtuq uqariijautiqaqtun itquumajulluunniit.

Ihumagijakhaq: Pipkailutin tamaita kamisina unaluunniit itquumajunik naunaiqtiriji naunaittumik titiraqtakhait atitik ataani atiliurtingnin.

Ihumagijakhaq: Titiqqat tautuktauhimajukhat **talvaniitpiarluni inuk**. Pipkaidjutaavaktun pipkainikkut uvani piksasuliuurutikkut-miitirutikkut tautukhimanikkut titiqqanik talvani nunarjuarmi-aannialaqingmi atuqtauhuiqtun. Pipkailuni taapkuat titiqqat tautuktajukhat tahamaniitpiarluni inuk.

Tunuani-titiraq naunaitkuti

Tunuani titiraq (ilaani taijaujuq 'tunuaniittuq') piujuq NCJ-kunnun ittuq talvani **Titiraq 1** Maliktakhani. Titiqqat tunihimajun Inungnun Atiliurviannun piqaqujauhimajun ilaluni tunuani-titiraqmik naunaitkutimik talvani titiraqmi ittuq talvani Titiraqmi 1mi.

Ihumagijakhaq: Ilaliutihimavin tunuani-titiraqmik naunaitkutimik titirarnun ilaqaqtumik atiani pidjutaajumi ilaujunilu, apirhuiviup titiqqani nampaanik, unalu ihuaqtuq naittuq atia titiqqap (imaa, Titiraq Pijumanirmi, Naunaitkuta Pigiaqtidjutimi, Pigiaqtidjutimi Naunaitkuta, Titiraqhimajuq Uqariijauti umani [*Atia Inuup*], aallanilu) ukuallu najurviillu pidjutikhakkut Nunavunmi?

Ihumagijakhaq: Piuguqtailugu taamna tunuani-titiraqmik naunaitkuti kingulliqpaaq makpiraaq titiraqmi (imaa naunaitkutauluni, tuniliruvin Titiraqmik Uqariijautimik, taamna tunuani-titiraqmik naunaitkuti ilijaujukhaq kingaugun tamainnin qunngiaqhimajunin) tamaitalu titiqqat piqaqtukhat ilikkut tunuani-titiraqmik naunaitkutimik (imaa naunaitkutauluni, atauhiq tunuani-titiraqmik naunaitkutimik uumunga naunaitkuta pigiaqtidjutimi atauhirmiklu tunuani-titiraq naunaitkutimik tamainnun titiraqhimajuni-uqariijautini tunijauliqtun)